

զխաւսս¹ նորա. բայց զի մի՛ թեթեւացուցեալ զկարգ արինացն իւրոց երեւեցուցե քրիստոնէից՝ լռեալ թողոյր զխաւսս Մաղխագին եւ չհարցաներ ինչ ծանունս: 18 Բայց յլէր առ երանելի կաթողիկոսն Գիւտ, թէ «Մինչեւ ցայժմ քո զիշխանութիւնդ² առանց իմ հրամանի կալեալ է, եւ ծառայ մարդիկ են, որոց քեզ զայդպիսի մեծ գործ տուեալ է, եւ ոչ ինչ յինէն ունիս վստահութիւն: 19 Բայց այժմ եթէ զիմ կամս առնես, եւ զիմ արբէսս ունիս եւ արեգական երկիր պագանես՝ զգործդ զայդ քեզ եւ քում ազգի եւ որում դու կամիս՝ պատըշրաւ տամ մինչեւ յաւիտեանս, եւ զքեզ պատուով այնպէս արծակեմ ի Հայս, զի Հայոյ ուրուք ի մեր դրացս պատիւ եւ շքեղութիւն այնպիսի չիցէ գտեալ, որպէս դու գտանես: 20 Ապա թէ յամառեալ չիւսանիս կատարել զկամս իմ՝ զեպիսկոպոսութիւնդ ի բաց առնում ի քէն եւ ի գործոցդ ի բաց հանեմ³, եւ դու անարգանաւք եւ թեթեւութեամբ երթաս ի տուն քո եւ յաշխարհն»:

21 Եւ երանելի այրն Աստուծոյ կաթողիկոսն Հայոց Գիւտ լցեալ զարութեամբ սուրբ Յոզույն՝ ասաց ցպատգամաբերն արքունի. «Կամեի թէ այդպիսի բանից պատասխանիս ես ինձէն ամնէի առաջի թագաւորին. քանզի ոչ է հնար քեզ, եւ ոչ իշխես համարձակապէս պատմել թագաւորին լիով զամենայն լուեալսն ի բերանոյ իմմէ⁴»: 22 Եւ պատգամաւորին պատասխանի տուեալ ասէ ցսուրբն. «Համարձակութիւն տուեալ է⁵, ասէ, թագաւորաց՝ ասել զարդար լուրն ի մէջ երկուց կողմանց. զոր⁶ եւ լսեն պատգամաւորք, եւ չիշխեն եթէ չասեն»: 23 Եւ սուրբ այրն Աստուծոյ ետ պատասխանի եւ ասէ. «Ասա՛ ցթագաւորն, թէ յաղագս գործոյս, զոր ասես. թէ ցայժմ քո ի ծառայից եւ ոչ յինէն կալեալ գործակալութիւն՝ թէ ⁷դու կամ թէ ոք ի ծառայիցն քոց որ ետուն, եւ առնուք յինէն՝ ուրախ եմ եւ կամիմ. վասն զի յաշխարհատանջ հոգոյ եւ կարեաց ապրեալ՝ անձին պարապեմ եւ աղաւթից: 24 Իսկ յաղագս եպիսկոպոսական ձեռնադրութեանս որ ասես, թէ ի բաց առնում ի քէն՝ զայս երկնաւոր ձեռնադրութեան պատիւ առնուլ յինէն ոչ թագաւորք եւ ոչ յիշխանաց ոք, այլ մահ, ոչ իշխե, քանզի եւ կարէ իսկ ոչ. եւ ոչ բնաւ երկնչիմ ի մահկանացու մարդոյ՝ տալ զպատիւս զայս ինձ⁸ եւ կամ առնուլ յինէն: 25 Բայց վասն արինացդ քոց որ ինձ ունել հրամայես, յաղագս որոյ եւ պատիւս եւ պարգէսս խոստանաս տալ ինձ՝ ոչ ուրուք է յերկրաւորացս պատիւ մեծ եւ

1 Ձ. զխօս

2 ՏՏ. իշխանութիւնդ

3 ՏՏ. ի բաց առնեմ

4 Ձ. ի բերանոյ իմէ

5 Ձ. չիք է

6 ԲԳտ. չիք զոր

7 Ձ. դու եւ կամ թէ ոք... եւ առնուլն յինէն

8 Ձ. զպատիւս զայս ինչ